



ԱՐՁԱՆԱԳՐՈՒԹՅՈՒՆ ԹԻՎ 9

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»
ՀԻՄՆԱԴՐԱՄԻ

ՀՈԳԱԲԱՐՁՈՒՆԵՐԻ ԽՈՐՀՐԴԻ ԹԻՎ 9 ՆԻՍՏԻ

ք. Երևան

28.12.2023թ.

«Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ ՀՖՍՊԻ) Հոգաբարձուների խորհրդի (այսուհետ՝ Խորհուրդ) արտահերթ նիստն անցկացվեց առկա եղանակով ՀՖՍՊԻ-ի Գիտական խորհրդի նիստերի դահլիճում (Երևան, Ալ. Մանուկյան 11, 2-րդ մասնաշենք, 3-րդ հարկ):

Նիստին ներկա էին Խորհրդի 20 անդամներից 12-ը՝

- Կարեն Գիլոյանը – ՀՀ ԿԳՄՍ նախարարի տեղակալ, Հոգաբարձուների խորհրդի նախագահ
- Գոհար Մամիկոնյանը – ՀՀ հեռուստատեսության և ռադիոյի հանձնաժողովի անդամ
- Սերգեյ Աբրահամյանը – ՀՀ ԿԳՄՍ նախարարության զանգվածային սպորտի և ֆիզիկական դաստիարակության բաժնի պետ
- Արսեն Հակոբյանը – ՀՀ ԿԳՄՍ նախարարության բարձրագույն և հետբուհական մասնագիտական կրթության վարչության ուսանողների աջակցության բաժնի պետ
- Սամվել Գևորգյանը – Ն.Մուշեղյանի անվան ըմբշամարտի օլիմպիական մանկապատանեկան մարզադպրոցի տնօրեն
- Էդուարդ Զալանթարյանը – Հայաստանի Հանրային հեռուստաընկերության մարզական մեկնաբան
- Հարություն Յավրյանը – ՀՀ սպորտի վաստակավոր գործիչ
- Ռոբերտ Պետրոսյանը – Հայաստանի ըմբշամարտի ֆեդերացիայի նախագահ
- Լաուրա Միրզոյանը – ՀՖՍՊԻ հիմնադրամի մարզչամանկավարժական ֆակուլտետի ուսանող
- Ժիրայր Դավեյանը – ՀՖՍՊԻ հիմնադրամի մարզչամանկավարժական ֆակուլտետի ուսանող
- Գայանե Զիլոյանը – ՀՖՍՊԻ հիմնադրամի մագիստրանտ

Լիանա Դուդուկյանը – ՀՀՍԿՊԻ հիմնադրամի մագիստրանտ

Բացակայում էին՝

Արսեն Միխայլովը – ՀՀ վարչապետի օգնական

Դավիթ Մոսիկյանը – «Հակադոպինգային գործակալություն» ՊՈԱԿ –ի տնօրեն

Մարտին Ալիխանյանը- ՀՀՍԿՊԻ հիմնադրամի ըմբշամարտի և արևելյան մարզաձևերի ամբիոնի դասախոս

Եղիշե Դավթյանը – ՀՀՍԿՊԻ հիմնադրամի մարզախաղերի ամբիոնի դասախոս

~~Մխիթար Խաչատրյանը – ՀՀՍԿՊԻ հիմնադրամի ըմբշամարտի և արևելյան մարզաձևերի ամբիոնի դասախոս~~

Անահիտ Բարսեղյանը – ՀՀՍԿՊԻ հիմնադրամի հասարակական և հումանիտար գիտությունների ամբիոնի դասախոս

Վարինկա Ավագիմյանը – ՀՀՍԿՊԻ հիմնադրամի հասարակական և հումանիտար գիտությունների ամբիոնի դասախոս, Հոգաբարձուների խորհրդի քարտուղար

Էրիկ Երվանդյանը – ՀՀՍԿՊԻ հիմնադրամի մարզչամանկավարժական ֆակուլտետի ուսանող

Օրակարգ

1. 2022-2023 ուսումնական տարում ՀՀՍԿՊԻ-ի գործունեության վերաբերյալ հաշվետվություն, այդ թվում նաև՝ 2023 թվականի բյուջեի կատարողականի ներկայացում:

(զեկուցող՝ Դավիթ Խիթարյան)

2. ՀՀՍԿՊԻ-ի 2024 թվականի բյուջեի նախահաշվի նախագծի հաստատում:

(զեկուցող՝ Դավիթ Խիթարյան)

3. ՀՀՍԿՊԻ-ի կառուցվածքի նախագծի հաստատում:

(զեկուցող՝ Դավիթ Խիթարյան)

4. Այլ հարցեր:

Օրակարգի հարցերի վերաբերյալ առաջարկությամբ հանդես եկավ Խորհրդի անդամ Գոհար Մամիկոնյանը և առաջարկեց օրակարգի 1-ին հարցը լսել առանց 2022-2023 ուսումնական տարում ՀՀՍԿՊԻ-ի գործունեության վերաբերյալ հաշվետվության ներկայացման, քանի որ հաշվետվությունը շատ ծավալուն է, Խորհրդի անդամներին է ներկայացվել 2023 թ. դեկտեմբերի 27-ի ուշ երեկոյան, ուստի հնարավոր չի եղել ամբողջությամբ ծանոթանալ հաշվետվությանը: Գոհար Մամիկոնյանն առաջարկեց օրակարգի 1-ին հարցը լսել միայն ՀՀՍԿՊԻ-ի 2023 թվականի բյուջեի կատարողականի

մասով, այլ հարցերի մեջ ավելացնել Գոհար Մամիկոնյանի ելույթը ռեկտոր Դավիթ Խիթարյանին ուղղված հանձնարարականների կատարման վերաբերյալ:

Առաջարկությունն ընդունվեց միաձայն:

Օրակարգի 1-ին հարց

Դավիթ Խիթարյանը ներկայացնեց ՀՖԿՍՊԻ 2023 թվականի բյուջեի կատարողականը՝ առանց կատարողականի վերաբերյալ ամբողջական և հիմնավոր ծանոթագրումների և դա պարզաբանեց նրանով, որ ֆինանսական տարին ավարտված չէ և կատարողականը հնարավոր չէ ներկայացնել դեկտեմբերի վերջին՝ դեռևս տարին չավարտված: Խորհուրդը չընդունեց հնչեցված պարզաբանումը՝ նշելով, որ ֆինանսական տարին արդեն ավարտվել է և ՀՖԿՍՊԻ պետք է պատրաստ լիներ ներկայացնելու 2023 թվականի բյուջեի կատարողականը, բացի այդ օրակարգային հարցի վերաբերյալ ռեկտորը չէր ներկայացրել առարկություն կամ հարցի գեկուցման անհնարինություն:

Խորհրդի անդամ Էդուարդ Զալանթարյանը զուգահեռ անցկացրեց պետական բյուջեի և ՀՖԿՍՊԻ բյուջեի միջև՝ նշելով, որ պետական բյուջեի կատարողականն արդեն իսկ հնարավոր է եղել ներկայացնել, այդ դեպքում ինչու հնարավոր չէ ներկայացնել ինստիտուտի բյուջեի կատարողականը:

Չեկուցող Դավիթ Խիթարյանը ներկայացրեց 2023 թվականի կատարողականն ըստ ճշտված նախահաշիվի և կատարողականի:

Խորհուրդը լսեց ռեկտոր Դավիթ Խիթարյանի գեկույցը և չհաստատեց 2023թթ.բյուջեի կատարողականը: Նիստին ներկա Խորհրդի անդամները միաձայն դեմ քվեարկեցին:

Օրակարգի հարց 2

Չեկուցող Դավիթ Խիթարյանը ներկայացրեց ՀՖԿՍՊԻ 2024 թվականի բյուջեի նախահաշիվի նախագիծը:

Հարցը գեկուցեց ռեկտոր Դավիթ Խիթարյանը՝ ներկայացնելով 2024 թվականի եկամուտների և ծախսերի նախահաշիվը:

Խորհրդի անդամ Գոհար Մամիկոնյանը հարցադրում արեց, թե ինչպես են ձևավորվել նախահաշիվի ծախսային հոդվածները, և արդյո՞ք հաշիվ են առնվել 2023 թվականի նախահաշիվի և կատարողականի ցուցանիշները նույն ծախսային հոդվածներով գումար հատկացնելիս: Հատկապես ավելացնելով ծախսը այն դեպքում, երբ նախորդ տարվա ընթացքում չեն կարողացել ավելի քիչ հատկացված գումարը տնօրինել ըստ նշանակության: Միաժամանակ նշվեց, որ նախագծով ներկայացված չեն նախահաշիվի փաստաթղթային հիմնավորումները:

Խորհուրդը քննարկեց նախագիծը հաստատելու հարցը: Խորհրդի նախագահ Կարեն Գիլոյանը առաջարկեց հարցի վերաբերյալ քվերակություն չկատարել, այլ նախագծի քննարկումը տեղափոխել հաջորդ նիստ՝ հնարավորություն տալով շտկումներ իրականացնելու և պատշաճ կերպով ներկայացնելու 2024 թվականի բյուջեի նախահաշիվը:

Առաջարկությունը դրվեց քվեարկության և ընդունվեց միաձայն:

Օրակարգի հարց 3

ՀՖԿՍՊԻ կառուցվածքի նախագիծը ներկայացրեց Դավիթ Խիթարյանը:

Խորհուրդը լսեց ներկայացված հիմնավորումները, անհրաժեշտ և կարևոր համարեց ՀՖԿՍՊԻ կառուցվածքի փոփոխությունը և Նոր կառուցվածքի հաստատումը, սակայն ներկայացված նախագիծը համարեց ոչ պատշաճ հիմնավորված, միաժամանակ առաջարկեց կառուցվածքի նախագիծը քննարկել ՀՖԿՍՊԻ գիտական խորհրդում, իրականացնել լրամշակում, և ներկայացնել Հոգաբարձուների խորհրդի հաստատմանը ամբողջական և հիմնավորված:

Առաջարկությունը դրվեց քվեարկության և ընդունվեց միաձայն:

Օրակարգի հարց 4

1. Ելույթ ունեցավ Խորհրդի անդամ Գոհար Մամիկոնյանը 2023 թվականի հոկտեմբերի 5-ին և նոյեմբերի 14-ին ղեկավար Դավիթ Խիթարյանին ուղղված հանձնարարականների կատարման ուղղությամբ 2023 թվականի դեկտեմբերի 22-ին ղեկավարի կողմից Խորհրդին ուղարկված պարզաբանումների վերաբերյալ: Նշեց, որ կարիք չկա մանրամասն ներկայացնելու պարզաբանումները յուրաքանչյուր հարցի վերաբերյալ, քանի որ բոլոր անդամները ստացել են ղեկավարի գրությունը, հետևապես անդրադառնում է միայն որոշ հարցադրումների վերաբերյալ ոչ պատշաճ ներկայացված պարզաբանումներին:

Մասնավորապես, 1-ին հարցի պարզաբանման մեջ ղեկավարի կողմից չեն ներկայացվել հիմնավորումներ, փաստաթղթեր, ընթացակարգեր, որոնք ուղղակիորեն սահմանում են ղեկավարի իրավունքը խրախուսելու ՀՖԿՍՊԻ աշխատակիցներին, այդ թվում ղեկավարին:

Առաջարկվեց` Խորհրդի հանձնարարականը ոչ պատշաճ կատարելու համար ղեկավարին հայտատարել կարգապահական տույժ` «Նկատողություն»:

2. Խորհրդի անդամ Գոհար Մամիկոնյանը ներկայացրեց, որ ղեկավարի պարզաբանումների մեջ հաջորդ հարցադրումը եղել է ՀՖԿՍՊԻ հաստիքացուցակի և աշխատավարձերի ձևավորման կարգի վերաբերյալ, այդ թվում նաև պահանջվել է ներկայացնել դասախոսների աշխատավարձերի համեմատական վերլուծություն` տարիների կտրվածքով ցույց տալով աշխատավարձերի բարձրացման հիմնավորումները: Փաստեց, որ հիշյալ հարցերի վերաբերյալ ղեկավարի կողմից չեն տրվել պատշաճ պարզաբանումներ:

Առաջարկվեց` Խորհրդի հանձնարարականը ոչ պատշաճ կատարելու համար ղեկավարին հայտատարել կարգապահական տույժ` «Նկատողություն»:

Առաջարկությունը դրվեց քվեարկության և ընդունվեց միաձայն:

3 Խորհրդի անդամ Գոհար Մամիկոնյանը ներկայացրեց, որ ռեկտոր Դավիթ Խիթարյանի կողմից ՀՖԿՍՊԻ շարժական գույքի վարձակալության պայմանագրերի վերաբերյալ պատշաճ պարզաբանումներ ներկայացված չեն:

Առաջարկվեց՝ ՀՖԿՍՊԻ-ի կանոնադրությունը խախտելու, Խորհրդի հանձնարարականը ոչ պատշաճ կատարելու և վարձակալության, ծառայությունների մատուցման պայմանագրերը ընթացակարգերին սահմանված կարգին ոչ համապատասխան կնքելու առնչությամբ ռեկտորին հայտատարել կարգապահական տույժ՝ «խիստ նկատողություն»:

Առաջարկությունը դրվեց քվեարկության և ընդունվեց միաձայն:

4. Հանդես եկավ Խորհրդի անդամ Գոհար Մամիկոնյանը՝ նշելով, որ Խորհրդում քննարկված և չքննարկված մեկ տասնյակի հասնող տարբեր դեպքերով ռեկտորի գործունեության արդյունքում ՀՖԿՍՊԻ-ն հայտնվել է տարբեր իրավապահ ու վերահսկող մարմինների ուշադրության և ուսումնասիրության կենտրոնում, որի արդյունքում ՀՖԿՍՊԻ իր գործառույթները պատշաճ և որակյալ կատարելու փոխարեն հայտնվել է քննչական ու դատական գործընթացների մեջ: Նման իրավիճակում խաթարվել է վստահությունը ինստիտուտի ռեկտորի գործունեության նկատմամբ: Եվ Խորհրդին առաջակեց քննարկել ռեկտոր Դավիթ Խիթարյանի նկատմամբ Խորհրդի վստահության հարցը:

Խորհրդի նախագահ Կարեն Գիլոյանը առաջարկեց քվեարկել ստեղծված իրավիճակում ռեկտորին անվստահություն հայտնելու հարցը:


Առաջարկությունը դրվեց քվեարկության և ընդունվեց միաձայն:

5. Ելույթ ունեցավ Խորհրդի նախագահ Կարեն Գիլոյանը և առաջարկեց ՀՖԿՍՊԻ գործունեությունը անխափան կազմակերպելու նպատակով նշանակել ռեկտորի ժամանակավոր պաշտոնակատար:

Կարոն Գիլոյանը որպես ռեկտորի ժամանակավոր պաշտոնակատար առաջադրեց ՀՖԿՍՊԻ Ցիկլիկ մարզաձևերի ամբիոնի դոցենտ, մ.գ.թ. Տիգրան Սիմոնյանի թեկնածությունը:

Առաջարկությունը դրվեց քվեարկության և ընդունվեց միաձայն: Որոշվեց որպես Դավիթ Խիթարյանի աշխատանքային օր սահմանել 2024 թվականի հունվարի 3-ը: Հանձնարարվեց Տիգրան Սիմոնյանին ռեկտորի պարտականությունների կատարմանն անցնել 2024 թվականի հունվարի 4-ից:

Նախագահ՝



Կարեն Գիլոյան

Քարտուղար՝

Գայանե Չիլոյան